

DEFENSIO
BREVIS HISTORIÆ
JANSENISMI

CONSCRIPTA

Per L. C. DE DECKER S. T. L.
*Ecclesiæ Metrop. Mechlinien-
sis Canonicum*

ADVERSUS

Apologias (maximè secundam)
Panegyreos Jansenianæ.

*Quasi peccatum ariolandi est, repugnare:
& quasi scelus idololatriæ, nolle ac-
quiescere. 1. Regum 15.*



Prostant

LOVANIÏ,
Apud ÆGIDIUM DENIQUE 1700.

Cum Approbationibus.

THE HISTORY OF THE
CITY OF BOSTON

FROM THE FIRST SETTLEMENT
TO THE PRESENT TIME

BY SAMUEL JOHNSON

IN TWO VOLUMES

VOLUME THE FIRST

LONDON: Printed by J. JOHNSON, in Pall-mall.

1790

THE HISTORY OF THE
CITY OF BOSTON

FROM THE FIRST SETTLEMENT
TO THE PRESENT TIME

BY SAMUEL JOHNSON

IN TWO VOLUMES

VOLUME THE SECOND

LONDON: Printed by J. JOHNSON, in Pall-mall.



PRÆFATIO.



Anegyris Janseniana
ubi lucem aspexit,
Apostolico Decreto
prohibita fuit, &
mox quoque graviter
displicuit iis quorum partes Do-
ctor Hennebel in Urbe agebat.
Sed Author nihilominus propo-
sito suo firmiter inhærens; atque
illud Sancti Job, Justificationem,
quam cœpi tenere, non deseram,
pro lemmate assumens, Panegy-
reos Apologiam paulo ante Brevis
Historiæ Jansenismi divulgatio-
nem, Theologis antedictis inscrip-
sit, in qua Augustinum Jansenii
tam altè extollit, ut pag. 23. af-
firmare audeat, istud volumen tum
dignitate materiæ, tum excellentiâ
sapientiæ, tum pietatis afflatu,
libris omnibus quos Ecclesia Dei

PRÆFATIO.

post Canonicas Scripturas protulit, aut non cedere, aut palmam etiam cum laude auferre. *Hac verò non minus temerariâ quàm firmâ persuasione imbutus, in præfatis Scriptis audacter impugnat, & in altera Apologia adversus Authorem Brevis Historiæ post octo vel novem mensum præmeditationem nuper edita, impugnare pergit ipsa Decreta quibus Summi Pontifices istum librum aut propositiones ejus confixerunt, nempe Decreta Urbani VIII. Innocentii X. & Alexandri VII. nec non Clementis IX. & Innocentii XII. Brevia, quasi malo cui remedium allatura dicebantur, forent imparia, tam circa quæstionem juris quàm facti. Unde etiam rejicit illud quod per præfatum Innocentium XII. de sensu obvio declaratum est: ac tandem duo ponit tanquam ad pacem Ecclesiæ necessaria, videlicet accuratam 5. propositionum in varios sensus distin-*

PRÆFATIO.

*distinctionem, & juridicam libri
 Janseniani discussionem. Atque
 interea in Prologo Gal. pag. 48. in-
 star novi cujusdam Goliathi, sed
 spiritualis, adeoque non visibilis
 neque tangibilis, sic ait. " Pro-
 ,, voco ego minimus Defensorum
 ,, Jansenii Societatem quanta
 ,, est universam, atque omnes quot-
 ,, quot sunt uspiam Molinianos,
 ,, ut ostendant Augustinum Ipre-
 ,, sem, non jam dico in famosis pro-
 ,, positionibus, sed in una sola ab
 ,, Hipponensi Augustino vel termi-
 ,, nis vel significatione disjungi.
 ,, Si id ostensum dederint, pro cæ-
 ,, teris quatuor articulis tanquam
 ,, eâdem victoriâ prostratis ado-
 ,, ream illis porrigam, & manus
 ,, dabo." Hactenus ille citato lo-
 ,, co. In secunda autem Apologia
 Authori Brevis Historiæ neglectum
 istius provocationis vehementer
 improperat. Sed ei super hoc capi-
 te (præter alias rationes magis
 pertinentes & efficaces §. 1. alle-*

PRÆFATIO.

gandas) hic per antecessum ita respondemus. Primò verba Panegyreos superius expressa non alios quam Jesuitas & Molinianos ad concertationem istam vocant, in quorum certè numero haberi non potest Author Brevis Historiæ. Secundò, quis est ille ego minimus defensorum Jansenii, qui Decretorum Apostolicorum defensores sic provocat? Se ipsum priùs mundo aut saltem Approbatori legitimo manifestet, ne aliàs lateberis suis fretus, sibi que nihil metuens, liberè nimis eloqui pergat quodcumque voluerit. Cæterùm quod ad me attinet, manifestationem istam non admodum curo: non enim latebras ejus timeo, neque si palam appareat, liberiùs ipsum impugnarem, aut aliter spectarem quam præcisè tanquam Jansenianæ Panegyreos & Apologiarum ejus Authorem: nam me non delectat uti dictariis, trasonismis, & scholaribus declamationibus, à quibus ab-
stinem.

PRÆFATIO.

*stinendum esse monuit Panegyrista
Jansenianus, sive Panegyreos
Jansenianæ Author & Apologista
anonimus, in fine primæ Apologia;
& à quibus tamen in secunda Apo-
logia minimè abstinuit. His igitur
omissis, evidenter ostendere aggre-
dior, quod totum argumentorum A-
pologistæ robur in solâ ejusdem mi-
râ confidentiâ verborumque pom-
pâ consistat. Verumtamen penes æ-
quum Lectorem esto judicium.*

APPROBATIO.

CUM Defensionis hujus Eruditissimus ac mo-
destissimus Author solidè pergat Antago-
nistæ sui ratiocinia displodere, nec non reve-
rentiam & venerationem Decretorum Apostoli-
corum genuinis Ecclesiæ filiis strenuè & utili-
ter inculcare, eandem Defensionem luce publica
dignam censeo. Datum Mechliniæ 16. Novemb.
1760.

J. DE CUYPER

Decanus Metropolitici.

ALIA

ALIA APPROBATIO.

Defensio Brevis Historiæ Jansenismi
conscripta per L. C. de Decker S.T.L.
Ecclesiæ Metrop. Mechliniensis Canoni-
cum &c. tam mihi solida apparet quam
ejus impugnatio nuperrima apparebat in-
firma. Nec mirum: cum impugnatio à
Panegyreos Janseniana Auctore edita ni-
tatur fundamento prorsus imbecilli ac are-
noso, proprio videlicet ac singulari impug-
natoris judicio: Defensio verò nitatur fun-
damento planè firmo & immobili, judicio
nempe Sanctæ Sedis, & communi Eccle-
siarum consensu. Quapropter eam publica
luce dignissimam censeo. Dabam Mechli-
niæ 16. Novembris 1700.

F. THOMAS DU JARDIN
Ord. Præd. S. T. Doctor in
Alma Universitate Lovanienti.

I

DEFENSIO BREVIS HISTORIÆ JANSENISMI.

§. I.

Respondetur ad objectionem de non animadverso primario Panegyreo Janseniana scopo, ac præsertim de spreta ejusdem solemnî provocatione. Deinde ostenditur, quam multa momentosa in libello Historiæ contenta dissimulârit Apologista.



Ostquam Apologista in principio secundæ Apologiæ *Brevem Historiam* gravibus approbationibus instructam despexit, ac postquam ipsum titulum, *Jansenismi Historia Brevis*, quo nihil simplicius, ambitiosum esse pronuntiavit, mox Authoris consilium ita perturbatum esse affirmat, ut ne quidem (si credere fas est) quis Panegyristæ primarius scopus sit... historiolæ compilator adverterit.

B

Qua-

Quapropter ibidem monet, *propositum suum eò potissimum collineare, ut omnes concertatores suos provocet ad demonstrandam Jansenii noxam, seu viri illius magni dissonantiam ab Augustino; aut si hoc demonstratum dare non possint, ut ergo viam aperiant qua Formularii exactores subscriptoresque à teterrimis facinoribus qua Apologia exhibet, reddantur immunes.* Ita ille.

Cui respondetur, Goliathismum istum, seu solemnem hujusmodi provocationem à nobis sicut à cæteris lectoribus observatam proculdubio fuisse, sed merito potiorique jure à nobis quàm ab aliis fuisse spectam: ut enim hic prætermittamus denuo observare quod iste provocator invisibilis esset, quodque solos Molinianos ad certamen istud invitaret; hoc notari volumus, quod rationes illæ ob quas tale certamen necessarium esse contendebat, non aliæ fuerint quàm quod sit moraliter impossibile librum Jansenii taliter approbatum continere quinas hæreses: quod oppugnatus fuerit per potestates & calumnias: quod defensores ejus non fuerint legitimè auditi: quod causæ Jansenianæ dirigendæ præfectus fuerit vir partium studio

Historiæ Jansenismi. 3

studio perunctus, qui & Consultores Molinæ faventes delegerat: quod quinque propositiones distingui debuissent in varios sensus, & quod examinata fuerint sine respectu ad Authorem: quod consequenter Bullæ contra Jansenium datæ, sint subreptitiæ: & quod Alexandrinæ Formulæ subscriptio contineat perjurium & calumniam. Hæc autem omnia in historia & in responsionibus ad objectiones abunde confutata sunt; sicuti jam confutabuntur illa omnia quæ ab Apologista sunt reposita.

Itaque nihil occurrebat quod anteditam provocationem accipiendam esse suaderet: sed contra multa dissuadebant: nempe 1. Quod Panegyrista Sanctionum Apostolicarum effectum usque ad concertationis finem suspendere, quantum poterit, intendat. 2. Quod talis concertatio non facile finem accipiet, etiamsi agendum esset de unico ex 5. famosis articulis. 3. Quod Panegyristæ sponsio his verbis expressa: *Si id* (nempe Jansenium ab Augustino dissionare in uno articulo) *ostensum dederint, pro cæteris quatuor articulis tanquam eadem victoriâ prostratis, ad oreas illis porrigam, & manus dabo:* quod,

inquam, hæc sponsio ab æquitate dis-
sideat : cum enim famosi articuli non
ita se habeant, ut quocumque illorum
dato, dentur consequenter quatuor reli-
qui, sequitur Panegyristam sponsionem
hujusmodi facere non posse, sicuti non
potest de veritate transigere: ac proinde
non poterit uno articulo probato, For-
mularii subscriptionem admittere, in
qua, juxta ipsum, quinque articulorum
quinque calumniæ & totidem perjuria
saltem implicite continentur. 4. Quod
hoc dato, facile equidem & eodem
jure advéniet provocator alius, qui con-
tendet illud quod de uno articulo osten-
sum erit, non posse de cæteris quatuor,
imo nec de unico illorum quatuor osten-
di, & tamen ostendi debere antequam
formulae subscriptio exigatur. 5. Quod
Panegyrista gestiat tale certamen trans-
ferre ad materiam de auxiliis, super
qua vetuere Pontifices quidquam edi-
sine licentia S. Congregationis. 6. Quod
5. propositiones distingui velit in va-
rios sensus, & illas (sicut & formula-
rium, uti patet ex 2. parte provoca-
tionis supra relatæ) explicari velit ali-
ter quam juxta sensum obvium quem
ipsorum verba per se exhibent, cum
tamen

tamen Innocentius XII. in primo suo Brevi ad Episcopos Belgii & in Decreto adjuncto utrumque jam dictorum expresse vetet. 7. Quod planè supervacaneum sit cum Panegyrista certare super eo quod ipsi conceditur. Et certè quidnam per certamen oblatum intendit nisi demonstrare quod liber Jansenii cum libris Augustini sic consonet ut quinque famolæ propositiones non magis in illo quam in his contineantur? Deinde nunquid ipse famolas 5. Propositiones, quas hæreticas esse admittit, qualque non magis in Jansenio quam in Augustino reperiri contendit, intelligit in sensu Lutherano & Calvinistico per Santamoreum & Socios ejus in *brevissima* 5. *Propositionum in varios sensus distinctione* allegato, aut saltem in sensu Lutherano & Calvinistico per ipsum Panegyristam pag 67. Prologi galati assignato, & *Brevis Historia* pag 61. relato? Porro tantum abest quod nos famolas 5. Propositiones sic intellectas, apud Jansenium magis quam apud Augustinum inveniri contendamus, ut oppositum satis apertè in *Historia*, nec non in responsionibus ad objectiones, præsertim ad tertiam inter sex reliquas, pag.

112. & 113. concesserimus. Nequemirum est quod Apologista hæc sibi in libello præfato concedi non adverterit, vel dissimulârit, cum circa alia plurima ibidem contenta se pariter habuerit, veluti patebit ex sequentibus.

Siquidem Apol. 2. pag. 5. dicit me libellum constasse ex decem articulis quos veluti totidem suas objectiones convellendas mihi sumpserim ac diruendas: quibus verbis omnino significare videtur quod libellus solis istis decem articulis & responsis ad eosdem constet: cum tamen responsio ad quatuor primos articulos inserta principio historiæ, contineatur intra primos quinque numeros: sex verò reliqui articuli post finem historiæ examinentur. Ex quo fit quod Apologista respondendo solum ad ea, quæ circa decem illos articulos allata sunt, veluti loco citato se responsurum profiteretur, longè maximam historiæ partem relinquat intactam, scilicet à n. VI. inclusivè usque ad XXXIV. id est usque ad ejusdem historiæ finem: atque ita minimè obsecutus est suorum amicorum voto, qui, ipsomet ibidem referente, desiderârunt ut *sigillatim* ad libellum responderet.

Et

Et quid mirum quod circa ista obmutescat, cum etiam obmutescere debuerit circa illa circa quæ se locuturum esse promiserat, nempe circa responsa nostra ad 5. 6. & 7. articulos, sive ad tres primos articulos ex sex reliquis post finem historiæ examinatis: nisi forsan ipsum circa hæc tria non tacuisse censeamus ex eo quod pro his tribus Lectorem ad Diarium Santamarei remittat, nullo designato istius Diarii capite, folio, aut parte: & nisi forsan similiter existimemus ipsum circa septem reliquos articulos non tacuisse censendum, si etiam pro his septem pariter ad Diarium Santamarei Lectorem remisisset. Dum verò nihil ad ea reposuit quæ circa tres articulos antedictos allata sunt, siluit consequenter ad confutationem eorum quæ ad probandam subreptionem Innocentianæ damnationis 5. propositionum in Panegyri allegaverat: nec non pariter eorum per quæ ibidem contendebat non fuisse auctoritate Apostolica examinatum an 5. propositiones in libro Jansenii reperirentur, necne.

Deinde dum ad illa quæ in historia referuntur à n. VI. usque ad finem ejusdem historiæ, silentium tenuit, tenuit con-

consequenter ad illa omnia quæ 5. propositionum historię propria sunt.

Tenuit insuper silentium ad alia quædam maximè momentosa, & sibi specialiter objecta, de quibus sequenti paragrapho agendum est.

§. 2.

Ex silentio & ex responso Apologista ostenditur, Fansenismum non esse spectrum seu phantasma.

IN principaliori historię parte, quæ ab Apologia non attingitur, ex Santamoreo inter cætera narratum est, qualiter ille doctor ejusque socii sæpius exposuerint S. Sedi, quod 5. propositiones essent ambiguae & æquivocæ, ideoque omnino necesse foret varios earum sensus distinguere, quemadmodum ipsi sensus illos in supradicta *Brevissima 5. propositionum* &c. sive in famoso 3. columnarum Scripto, distinxerunt; scilicet in prima columna ponendo prætenso earum sensus hæreticos, seu Lutheranos & Calvinisticos, prout in *Historia Brevis* exhibentur n. XIX.

Narratur præterea n. XIV. quomodo Deputatis istis econtra significatum fuerit

Historiæ Jansenismi. 9

fuerit quod S. Sedes 5. propositiones secundum se ipsas sive secundum terminos quibus constant, qualificare intenderet. Et n. XXI. ex ipsa constitutione Innocentii manifestum esse dicitur, quod 5. propositiones non sint damnatae in sententiis hæreticis assignatis in præfatorum columnarum Scripto; sed damnatae sint juxta suum tenorem, licet unà in sensu Jansenii seu libri ejus.

Item narratur n. XXII. quomodo profiteatur Santamoreus se suosque locos constitutione edita, simpliciter acquiescisse propositionum absolutæ condemnationi, & quomodo fateatur propositiones in suo naturali, litterali & rigoroso verborum sensu esse damnatas: necnon quomodo Paulus Irenæus, apud eundem Santamoreum in collectaneis, hæc verba scripserit anno 1657. "Omnes ad unum Catholici istas propositiones proscribunt, & quidem in proprio verborum sensu."

Insuper narratur ibidem quomodo his non obstantibus videatur quod aliqui etiam post Constitutionem existimarent sufficere quod damnarent 5. propositiones juxta sensus hæreticos ipsis attributos in primis columnis præfati Scripti

ti distinctionis sensuum: adeo ut tam non damnarent 5. propositiones juxta suum tenorem, juxta quem illas damnaverat S. Sedes, quam non damnarent juxta sensum Janlenii, juxta quem etiam illas damnaverat eadem S. Sedes: sed solummodo damnarent propositiones à 5. famosis quoad sensum revera diversas: prout videre est has quinque conferendo cum quinque aliis primarum columnarum sensus hæreticos exprimentibus. Atque ita, si non malitiosa, quod pie credendum est saltem verâ propositionum permutatione, fidei definitiones eludebantur. Idque profectò nonnunquam ita contigisse, credibilius ex eo redditur, quod etiam modo quidam Scriptor prologi Panegyreos pag. 67. optet primæ propositionis sensum hunc ab omnibus Christi fidelibus reprobandum explicari. "Aliqua Dei præcepta „justis omnibus volentibus & conantibus secundum præsentis vitæ vires „sunt absolutè impossibilia, deest quoque iisdem gratia qua possibilia fiant." *Hunc secunda.* "Interiori gratiæ, ut „pote liberum arbitrium necessitanti, „seu violentiam adferenti, nunquam „resistitur." *Hunc tertia.* "Ad merendum

„dum & demerendum in statu naturæ
„lapsæ non requiritur in homine liber-
„tas à necessitate naturali, qualem in
„brutis cogitamus, sed sufficit libertas
„à coactione." *Hunc quarta.* "Semi-
„pelagiani in hoc erant hæretici, quod
„vellent gratiam talem esse, ut voluntas
„non posset ab illa, utique violentiam
„adferente, dissentire si vellet." *Et*
quinta hunc. "Semipelagianum est di-
„cere, Christum sive voluntate divi-
„na, quam antecedentem vocant, sive
„desiderii cujusdam humanâ, pro om-
„nibus omnino hominibus mortuum
„esse, aut sanguinem fudisse." Porro
consideranti patet illas 5. propositiones
quoad sensum omnino differre à quin-
que famosis, adeo ut qui illas damnat,
non ideo damnet quinque famosas, nem-
pe (prout à S. Sede damnatæ sunt)
juxta suum tenorem, sive juxta sen-
sum obvium, quem ipsamet propositio-
num verba præ se ferunt. Ac proinde
agitur hic de famolarum 5. propositio-
num hæresibus, & non tantum de eo
quod vocant factum Jansenii contro-
versum; id est non tantum de eo, an
ille sensus obvius quem ipsamet 5. pro-
positionum famolarum verba præ se
ferunt,

ferunt, importetur, necne, in libro Jansenii. Hæc ibi. Igitur Panegyrista Jansenianus per hæc Brevis Historiæ verba gravissimè fuit argutus, nempe quod quinque propositionum hæeres damnare nollet, sed earum loco hæeres alias à se aliisque damnandas substitueret.

Porro quid ad hanc momentosissimam admonitionem reponit Panegyrista in Apologia illa secunda, quam adeo præmeditatè adversus *Historiam Breve* elucubravit? Apertè tateretur pag. 17. quod mecum admittat, Augustini ac Jansenii defensores assignavisse Propositionibus sensum Lutheranum & Calvinisticum: & addit, quod *quamvis ante Constitutionem Pontificiam nonnulli eum assignaverint tremuli, post illam tamen planissime & uno consensu velut naturalem, & si velis, obvium receperint.*

Unde liquidò sequitur Jansenismum non fuisse nec esse merum *spectrum*, sicuti Apologiæ 1. pag. 24 & Apologiæ 2. pag. 4. contenditur; sed etiam modò non deesse qui 5. Propositionum hæeres à S. Sede, accedente postmodum Ecclesiæ consensu damnatas, damnare recuset.

§. 3.

Defenditur Urbani VIII. Bulla In eminenti adversus objectiones ulteriores in 2. Apologia motas.

O Bjicit Panegyrista 2. Apol. pag. 6. Urbanum VIII. nimis facile credidisse, quod Decreti Paulini tenor fuerit legitimè intimatus: quasi non foret omnino præsumendum, quod idem Urbanus istud affirmarit innixus nuntiorum relationibus, quæ secundum Jura plenam fidem in talibus faciunt: & quasi magis standum esset testimonio negativo Universitatis, apud quam ex variis capitibus potuit istius intimationis factæ notitia non extare.

Quomodo autem ponendo *memoriam* pro *notitia*, testimonii illius textum vitavi, qui manifestè non textum, sed illius sensum exprimere volui, quin etiam expressi? Quid enim aliud est notitia quam cognitio? Et de qua cognitione ibi agitur nisi de memorativa? Si verò dicens *notitiam* è monumentis archivorum peti posse, idem ego dicam de *memoria*.

Addit ibidem Panegyrista: *Decretum*

(ait Urbani anni 1641. quod exceptionem è defectu insinuationis petitam rejicit, cum libro Jansenii sit posterius, consequenter hic vanè adducitur. Verum exceptionem istam rejicit Urbanus tanquam prætextum, & talis rejectio videtur esse declaratio, quæ secundum jura retrahitur.

Deinde urget pag. sequenti, quod dicti Decreti nulla obtinuerit observatio in Belgio, imo quod ubique locorum penè editi sint in lucem libri tractantes de divinis auxiliis, idque per auctores cujuslibet ordinis, togæ, dignitatis & instituti. Sed data hac hyperbole, an existimas, quod lex per tales contrarios actus abrogetur, Legislatore non consentiente? Insuper etiam dato quod dictorum librorum editores à culpa immunes fuerint propter consuetudinem vel ignorantiam vel rationem aliam, equidem non sequitur, quod Pontifex anteriori suæ prohibitioni insistens librum sic editum prohibere nequeat, quando nullam pœnam irrogat personis illis, quæ editionem procurarunt, quemadmodum in historia dictum est n. II. quidquid Panegyrista loco citato dicat me ad hæc tam pręgnantia conticuisse pisce

multo-

mutiorem ; cum ipse econtra ad hanc meam responsionem omninò siluerit.

Ibidem postea propugnare nititur quod nomen Jansenii in *Bullam Urbani irrepperit inscia imo nolente sua Sanctitate*; idque testimonio Sinnichius quod ad rem non pertinere monstratum est aliàs. *An ergo*, ait, *nomen Jansenii in Bulla non exprimitur*? Imo, imo exprimitur, sed quid inde? Cum equidem in Bulla ista ipse Jansenius in particulari, sive persona Jansenii in particulari *non sugilletur cum expressione sui nominis*: sed liber cui titulus *Augustinus Jansenii*. Verum ô calamitosa effugia! exclamat ibidem Panegyrista: qui insuper hæc subjungit: *An fortasse quidquam interest inter hæc duo, quod liber Jansenii sugilletur, vel quod Jansenius propter librum acerbæ sugillationis vibice liveat*? Prorsus interest, veluti facile peripiciet quisquis adverteret, quantum inter se differant persona Jansenii, & Jansenii liber.

Pergit Panegyrista. " Edoceat nos
„ (ait) quæso historicus, utrum dede-
„ coris nihil in se spargi existimaret, si
„ quispiam solutioris linguæ historio-
„ las suas Bajanismi & Jansenismi dice-
„ ret esse librorum vappas, quas ne qui-
„ dem

„dem tyrunculi, qui primum ære facti
sunt, vaneant, aveant esse suas.”

Existimo quod inde aliquid dedecoris in me redundare posset: sed equidem nulla possunt allegari jura, quæ stant me ab ullo Superiore aut Judice quocumque, aut à quocumque de libellis istis loquente prout objicitur, audiendum aut citandum, antequam simile judicium proferri possit. Addo quod juxta Tribunalium omnium tam sæcularium quam Ecclesiasticorum libros damnantium aut prohibentium constantem usum, sæpe damnentur aut prohibeantur libri non auditis neque citatis eorum authoribus; cum tamen verissimile non sit ista omnia Tribunalia hac in re impingere in notissima illa jura quæ extant de audienda parte. Unde nullus dubito quin per ista Jura Judici competentis liceat libellis antedictis, me non audito neque citato, notam illam inurere quam inurendam esse judicabit. Si quid autem dedecoris ex tali damnatione in me redundet quod me nullo modo meritum esse sentiam, poterō, & quidem id permittente tali Judicis sententia, cauſari quod libellus ille qui nomen meum præfert non sit meus,

vel

Historiæ Jansenismi. 17

vel non à me jussus imprimi, vel quod sit adulteratus, vel mendis typographicis scatens, vel quod quædam aliter, sed inadvertenter, in libello expresserim quam in animo sentirem: aut aliud ejusmodi. Neque quodcumque istorum in meam excusationem afferens, sententiæ præfatæ repugnabo.

Laudet ergo Panegyrista Jansenium à singulari ingenio, pietate, doctrina, studio, librorum omnium suorum submissione erga S. Sedem &c. Addat, si velit, vel quod liber ille qui *Augustinus Jansenii* nuncupatur, revera non sit ipse, vel quod non sit ejus jussu aut consensu in lucem editus à quibusdam assertis executoribus ejus ex testamento, vel quod in prima etiam editione prodierit adulteratus vel mendis typographicis scatens, vel quod Jansenius aliter in mente senserit quam in libro inadvertenter expresserit: etenim hæc aut similia dicendo, in Bullam Urbani nullatenus impingetur.

Aberrat autem Panegyrista dum pag. 8. Apol. 2. Dicit quod in ista Bulla liber Jansenii perhibeatur *Scriptus in totius reipublicæ Christianæ scandalum, & perniciem Catholicæ fidei*: imprimis enim ibi

non fit mentio *Scriptionis* sed *impressio-*
nis seu *editionis in lucem*: & deinde
quod ibi dicitur *impressas fuisse... in gra-*
ve scandalum & offensionem Ecclesia Ca-
tholica, manifestum est ex textu, non
tam referri ad librum famosum Janse-
nii aut ad famosas Jesuitarum theses,
quam ad orationes, scripturas, epistolas,
thesesque... tam pro dicti libri Janse-
nii quam pro thesium Jesuiticarum de-
fensione editas. Præterea quod attinet
ad Albizium; cum Sinnichius valde
graviter & confidenter quereretur, no-
minatim & indignè in Bulla habitum
fuisse tam Illustrem Episcopum, quid
mirum quod Pontifex aliquantum fue-
rit attonitus, ideoque Sinnichium ad
Assessorem S. Officii, de toto ejusdem
Bulle multo tempore ante confectæ
negotio plenius instructum remiserit.
Denique quod attinet ad illa quæ ex
Sanctamoreo proferuntur Apol. 2. pag.
8. adversus dictum Assessorem Albizium,
patebit responsio ex iis quæ infra dicen-
tur de authoritate Sanctamorei: & ni-
hilominus hic rememorandum est quod
pag. 88. Historiæ ex ipso Santamoreo
relatum est ipsimet dixisse Cardinalem
Chisium, nempe quod Doctoribus Flan-
driis

dris contendentibus Albizium adulterasse Bullam Urbani, ostendisset illam Bullam non esse adulteratam. Ex quo etiam confirmantur illa quæ duobus paragra-
phis immediatè sequentibus tradentur.

§. 4.

De famoso Commate.

PAg. 9. Apol. 2. audet Panegyrista dicere quod *non extimescam refricare* litem rancidam de interpunctione istius periodi Bullæ Pii V. *Quas quidem sententias &c.* cum ipse contra litem istam à quibusdam Lovaniensibus motam, & omnibus eorum allegationibus maturè perpensis, per Decretum expressum Sanctæ Sedis de anno 1644. in *Historia Jansenismi* n. V. relatum terminatam, relucitare non reformidaverit in Panegyri Janseniana pag. 77. & 78. per Actam quandam ibi recitatam. Sed adhuc antea vidimus Authorem illum tam parvi facere Decreta Pontificia, ut mihi vitio vertat quod illa propugnem.

Ad illud autem quod ex litteris Cardinalis Granvelli obijcitur, in historia Bajanismi responsum est. Et Morillonii silentium, dum Bajus Bullam modo

sibi quam maximè favente interpreta-
retur, dumque eidem Morillonio non
irritandus sed mitigandus videbatur,
quid probat? Ecquid etiam probat in-
strumentum illud per quod probari vi-
detur similiter intellexisse Universita-
tem in initio? quandoquidem in initio
solorum articulorum, nondum verò Bul-
læ copiam accepisset; quam nempe de-
mum post Toleti adventum, quin po-
tius demum post reditum ejus accepit,
id est non ante mensem Julium vel Au-
gustum anni 1580. Hæc responsio ap-
plicari potest etiam illi quod objicitur
ex Cunei Petri Leovardiensis Episcopi
commentario; cum ipse Cuneus 15.
Februarii ejusdem anni obierit. Unde
etiam in eodem commentario invenitur
particula *tamen* eidem Bullæ perperam
adjecta.

Quamvis autem adderetur etiam com-
ma post particulam *intento*, illud equi-
dem non adferret sensum illum qui præ-
tenditur, uti liquet ex contextu. Dein-
de quod dicit Panegyrista de parenthesi,
ex spuris Bullæ copiis desumptum est.

S. 5.

Refellitur Apologista responsio super eo quod Urbani VIII. Bulla affirmet propositiones à Pio V. damnatas in Jansenii libro renovari.

IN Historia Jansenismi n. IV. expositum fuit quomodo Jansenii defensores quererentur, in Bulla Urbani dici quod in libro Jansenii defenderentur & innovarentur propositiones aliquæ per Pium V. damnatæ, & quod nihilominus faterentur in eodem libro doceri quod aliquæ bono sensu à S. Augustino traderentur, & quod eodem sensu sustineri possent tanquam veræ. Sed hoc ejusdem Historiæ n. V. per ipsa Bullæ Pianæ verba refutatum fuit. Et quid ad hæc Panegyrista? Respondet Apol. 2. pag. 11. quod Jansenius unam aut alteram ex illis Pianæ Bullæ Propositionibus... non propter earum falsitatem, sed offensionem dumtaxat, quam *novitate sua aliquibus* præbebant, proscriptas fuisse asseveraverit. Verum uti dicitur Historiæ n. V. per verba Bullæ omnes propositiones damnantur, &c. non ad tempus tantum aut propter certas circumstantias, sed absolutè. Et quid ad hæc Panegyrista? Nihil: ac proin-

de super hoc quarto articulo tacuisse censendus est : quemadmodum etiam supra §. 1. monstratum fuit tacuisse ipsum ad tres sequentes articulos, sive ad tres primos ex sex reliquis.

Itaque superest examinandum, quidnam circa tres ultimos responsi dederit.

§. 6.

Refelluntur Apologista responsa quibus infirmare nititur argumenta probantia non esse moraliter impossibile quod liber à tot eruditis viris ex omni conditione &c. approbatus contineat quinas hæreses.

AD probationem è solemni approbatione celebris erroris S. Cypriani petitam, respondet Apologista Apol. 2. pag. 11. quod hæc opinio cortici Scripturarum satis consentiens esset, nec legitimo ab Ecclesia judicio repudiata foret : Quasi non pariter libri Janseniani approbatoribus videri potuerit quod §. propositionum errores, velut in isto libro traduntur, Scripturis & Augustino consentirent (etiamsi tantum consentirent eorum cortici) quodque non forent legitimo ab Ecclesia judicio repudiati : præsertim cum approbationes istæ datæ sint mul-

multis annis ante controversiam de quinque propositionibus ortam, imo aliquamdiu ante præfati libri prohibitionem; pro qua avertenda conquisiti fuerant qui tunc inveniri potuerunt, approbatores: quibusdam etiam fortassis inter illos quorum approbatio petebatur, illam denegantibus eo quod iste liber ipsis erroneus aut suspectus videretur. In casu autem altero reperiuntur non simplices Theologi, non hinc & illinc conquisiti, sed Episcopi 71. cum suo Primате synodicè congregati, & unanimiter quidem S. Cypriani errorem approbantes: ut jam nihil addam de pluribus aliis Alexandria & Orientis Episcopis ejusdem erroris approbatoribus. Quare firmum permanet argumentum ab approbatione erroris jam dicti peti-
tum.

Manet similiter illud quod desumptum est ex approbatione scriptorum & erratorum Origenis & Theodori Mopsuesteni, nec non operum Quietisticorum, cum circa hæc sileat Apologista. Neque verum esse videtur quod frustra aliqui, præsertim autoritate valentes, olim ante prohibitionem conquisivissent operum Dupinii aut Petri Suavis seu
Fra-

Fratri Pauli approbatores publicos & omnigenos.

Quod autem attinet ad *nonam difficultatem*, non negat Panegyrista tales approbatores reperiri potuisse: sed contra confidenter affirmat quod illa seipsam copiosè tueatur adversus allatas à Canonico quisquilias: sic vocans gravium excessuum observationes, ex. g. de contempto Alexandri VIII. decreto circa 31. propositiones, & de contemptis librorum prohibitionibus; quas ipse etiam Panegyrista expressè contemnit Apol. 2. pag. 23. quemadmodum etiam parvi facit damnationem hujus trigessimæ primæ propositionis, *Bulla Urbani VIII. In eminenti est subreptitia.*

Postremum argumentum non minus aptum & ipsi materiæ proprium quam dilucidum & efficax eludere, eique lucem ac vim auferre frustra conatur Apologista; idem argumentum ad hoc veri, ut ait, & genuini reducens. "I. Quod Pontifex damnavit propositiones quinque capaces orthodoxorum & heterodoxorum sensuum, nullo sensu in quo eas damnaverit, claris ac præcis terminis circumscripto. II. Quod idem Pontifex declarave-

rit;

„rit sensum ex tua mente damnatum
„non esse sensum S. Augustini & gra-
„tiæ per se efficacis: quem tamen uni-
„cum sensum Janlenii defensores in
„opere ejus se reperire prædicant, &
„solum tuentur. III. Quod illa Pon-
„tificis declaratione audita, defensores
„Iprensis Præsulis voces illas proposi-
„tionum æquivocas abdicarint, rejece-
„rintque in omni sensu quem Pontifex
„& Ecclesia damnat. Quis sit autem
„ille omnis vel singularis damnatus
„sensus, hætenus neque per Pontificem
„neque per Ecclesiam dilucida peri-
„phrasi definitum est.” Hæc ille, sed
incalsum.

Etenim primum omnino falsum esse patet ex historia, & patebit amplius ex docendis infra. Secundum ad rem præsentem non pertinet. In tertio, præter impertinentiam, malè insinuat quod tantum rejecerint in omni sensu quem Pontifex & Ecclesia damnat, cum rejecerint absolute & non assignarint illis postea ullum bonum sensum; sicut in historia n. XXII. probatum est testimonio ipsius Santamorei, quartum non subesse ostensum est in historia, seu potius in solutione ultimæ

objectionis, & amplius adhuc ostendetur infra.

Hæc igitur est postrema argumenti fucata solutio quam adfert Apologista; nisi quod quædam ad commendandum opus Jansenii & ejusdem operis lectionem adjungat.

Cæterum libenter admittimus, quod si quinæ famosæ hæreses accipiantur (velut illas perperam accipit Panegyrista) pro quinque famosis propositionibus, juxta sensus Lutheranos & Calvinisticos antedictos expositis seu intellectis, existimandum sit quod quinæ hæreses istæ tot ac talium dicti Janseniani operis approbatorum oculos non effugissent.

§. 7.

De iis quæ in Apologia 2. objiciuntur circa solutionem penultimi articuli de distinctione Juris & Facti.

CONTRA solutionem objectionis quintæ inter sex reliquas, seu nonæ inter decem, nihil aliud prorsus ad rem pertinens objicit Apologista quam illud quod sequitur.

” Si jam proponeretur, ait pag 14.

„ &

„ & 15., hæc formula jurejurando fir-
„ manda:

„ Ego definitioni Conciliorum Ge-
„ neralium, Sexti, Septimi & Octavi,
„ ac Summorum Pontificum S. Leonis
„ & Adriani II. me submitto, atque
„ Epistolam Papæ Honorii ad Sergium
„ Patriarcham in sensu ab Honorio in-
„ tento execror. & abjicio. Sic me Deus
„ adjuvet, & Sancta Dei Evangelia.”

„ Quæstio fit (prosequitur Apologi-
„ sta) an Jesuitis Honorium innocen-
„ tem arbitrantibus liceret ejusmodi For-
„ mularum subscribere sine labe perjurii?
„ Et si liceat, secunda superadditur quæ-
„ stio, quas ergo ideas seu perceptio-
„ nes & quem assensum vocabula For-
„ mularum adducta generent in mente ju-
„ rantium? Hunc nodum si Canonicus
„ solverit, &c.”

Respondet itaque Canonicus; si me-
morata Formula aut quævis alia tan-
quam jurejurando firmanda proponere-
tur ab Ecclesia vel à S. Sede (præsertim
cum expressio consensu v. g. Ecclesiæ
Gallicanæ & Belgicæ, aliarumque Ec-
clesiarum consensu saltem tacito, sic ut
nulla particularis Ecclesia repugnaret
(prout accidit circa Formulam Alexan-

drinam) deberent Jesuitæ spreto timore perjurii aut alterius criminis, Ecclesiæ aut S. Sedi subscriptionem injungenti parere: certi quod juxta Christi promissum fieri non possit, ut Ecclesia, aut S. Sedes, præsertim in circumstantiis antepositis, fideles suos per solemnem Formulam ad perjurium vel aliud quodcumque crimen adigat. Quantum ad aliam quæstionem priori substitutam his verbis, *Si liceat, quas ergo ideas seu perceptiones & quem assensum vocabula Formula adducta generent in mente jurantium*: non ignorat Panegyrista quod Innocentius XII. in suo Brevis de 6. Feb. 1694. sic lequatur: *Li qui ad juramentum adigendi sunt, illud præstare debent sincerè absque ulla distinctione, restrictione seu expositione, damnando eas propositiones ex libro Jansenii excerptas in sensu obvio quem ipsamet propositionum verba præ se ferunt, prout sensum illum damnârunt Summi Pontifices Prædecessores nostri, damnatumque haberi voluerunt à Christi fidelibus.* Et infra. *Cate-*
rum ad præcavendas omnes dissidio-
rum causas quæ Christianam pacem
dilacerant, Nos quoscumque alios sen-
sus

"sus Formularii præter eum quem ipsius
"verba exhibent, afferri vel usurpari,
"aut de his disputari interdiximus &
"prohibuimus, ac super ejusdem For-
"mularii interpretatione, sicut & præ-
"dictarum propositionum in alios sen-
"sus præter eum quem ipsa verba per se
"exhibent, perpetuum silentium impo-
"suimus, ut ex nostris Decretis tam
"super ipso silentio quàm super prohi-
"bitione omnium librorum editorum
"& edendorum in hac materia plenius
"innotescet."

Cum autem supradicta quæstio po-
sterior directè tendat ad transgreden-
dam legem silentii verbis anterioribus
impositi, prout etiam illam apertè trans-
greditur Panegyrista tam in Prologo
galeato quàm in Apologiis, declaro ego
mihi per istam legem non licere *hunc*
nodum solvere.

§. 8.

Expenduntur Apologistæ responsa circa
sensum obvium, & circa novum causæ
Jansenianæ examen ab ipso præsum.

DUm Apologista pag. 15. professus
est se agere velle de objectione sen-
sum obvium concernente, dumque mul-

tis verbis dixit & non probavit me multa promittere quæ non præsto, tunc quædam refert tanquam verba mea & tanquam uno contextu posita, cum tamen interjaceant alia plura quæ sensum immutant.

Sic ergo se habent verba mea in principio responsionis ad objectionem ultimam: "Innocentius X. his Bullæ suæ
 „verbis, *Cum occasione impressionis libri*
 „*cui titulus Augustinus C. Jansenii E. I.*
 „*inter alias ejus opiniones orta fuerit præ-*
 „*sertim in Gallis controversia super quin-*
 „*que ex illis, clarè affirmat quinque pro-*
 „*positiones contineri inter alias opinio-*
 „*nes quæ traduntur in libro Jansenii...*

„Ideoque Alexander VII. merito de-
 „finivit & declaravit Innocentium X.
 „damnasse 5. propositiones in sensu à
 „Jansenio intento. Deinde ex his dictæ
 „Bullæ Innocentianæ verbis: *Tenor ve-*
 „*rò præfatarum propositionum est prout*
 „*sequitur. Prima. Aliqua Dei præcepta*
 „*&c* & ex damnatione subjuncta, cla-
 „rè patet illas propositiones ibi damnari
 „in sensu obvio quem ipsamet propo-
 „sitionum verba præ se ferunt, prout
 „Innocentius XII. Prædecessores suos
 „(scilicet Innocentium X. & pariter A-
 „lexan-

„Alexandrum VII. qui Innocentij X.
 „Constitutionem approbavit & inno-
 „vavit) sensum illum damnasse declara-
 „vit. Ex quo sequitur quod 5 proposi-
 „tionum sensum à Jansenio intentum
 „S. Sedes judicet eundem esse cum 5.
 „propositionum sensu obvio quem ip-
 „samet propositionum verba præ se fe-
 „runt.” Hæc ibi.

Dilcurus autem ille tam solidus est
 quam infirmus sit ille alter quem Apo-
 logista h c mihi tribuit, omittendo sci-
 licet hæc verba interposita *Deinde ex
 his dictæ Bullæ Innocentianæ verbis :
 Tenor &c.*

Sed quidnam ipse opponit? Hoc tan-
 tum multis verbis, primo quærit, an In-
 nocentius X. in affirmatione illa qua
 quinque propositiones in libro Jansenii
 contineri affirmavit, falli potuerit: de-
 inde multis pariter verbis me provocat
 ut Augustini & Jansenii dissimilitudi-
 nem ostendam: sicque ad propositum
 respondere subterfugit, & ad alia divertit.

Postea transit ad sensum Jansenii &
 ad sensum obvium, dicitque quod as-
 seram facilius esse, ut noscatur sensus ille
 quinque propositionum obvius (nempe
 quem ipsamet propositionum verba præ
 se

„propositionum sensus obvius est sensus
„gratiæ per se efficacis.”

Quam bella præmissorum probatio,
& quam bella ratiocinatio ! Etenim
quod dicit *sensum à Fansenio intentum*,
me auctore, è mente Pontificum unum &
eundem esse (si intelligat unum & eun-
dem esse cum sensu obvio quem ipsa
5. propositionum verba exhibent) ve-
rum est, sed prorsus aberrat, si intelli-
gat unum & eundem esse, me auctore,
cum sensu gratiæ per se efficacis; quip-
pe qui nullibi quidquam simile indica-
vi: & qui contrarium sæpius in histo-
ria significavi, quemque gratiæ per se
efficacis Thomisticæ defensoreni esse
constat.

Judicet itaque modò Lector quam
rectè concludat Panegyrista, dum ita
concludit: ” Ergo secundum illos Je-
„suitas & Deckerum simul adunatos,
„propositionum sensus obvius est sen-
„sus gratiæ per se efficacis.”

Dum dixerat Canonicus, aliquos Je-
suitas & alios intellexisse sensum inten-
tum prout modò relatum est, addide-
rat sequentia, ” sed hætenus ignotus
„est ullus Jesuita vel alius eruditus (uti

„nec

„nec creditur facile futurus) qui sensum obvium quem ipsamet propositionum verba præ se ferunt, acceperit velut objectum est, id est, acceperit sensum Augustinianum & gratiæ per se efficacis.”

Apologista verò pag. 17. ad hæc respondere cupiens, & non valens assignare ullum Jesuitam vel alium qui sensum obvium sic intelligat, fingit me vaticinari: & hæc verba, *nec creditur facile futurus ullus Jesuita vel alius eruditus qui sensum obvium sic accipiat*, vocat *Propphetiam sublectissimam*, per hoc ostendens quam bellè Propphetiam dignoscere valeat.

Pergit Apologista. ”Inde patet, ait, quod Jesuitæ isti jam in intelligentia illius obviæ sensus & à Pontifice & ab ipso etiam Deckero dissentiant.”

Si quis Jesuita sensum obvium acciperet sensum gratiæ per se efficacis Augustinianæ, fateor quod tam à Pontifice quam à me diffideret: sed Apologista nullum assignare potuit qui post primum Breve sic acceperit: imo Jesuitæ illi qui ante istud Breve sensum gratiæ per se efficacis damnatis propositionibus assignarunt, non assignarunt

Fratris Pauli approbatores publicos & omnigenos.

Quod autem attinet ad *nonam difficultatem*, non negat Panegyrista tales approbatores reperiri potuisse: sed contra confidenter affirmat quod illa seipsam copiosè tueatur adversus allatas à Canonico quisquilias: sic vocans gravium excessuum observationes, ex. g. de contempto Alexandri VIII. decreto circa 31. propositiones; & de contemptis librorum prohibitionibus; quas ipse etiam Panegyrista expressè contemnit Apol. 2. pag. 23. quemadmodum etiam parvi facit damnationem hujus trigessimæ primæ propositionis, *Bulla Urbani VIII. In eminenti est subreptitia.*

Postremum argumentum non minus aptum & ipsi materiæ proprium quam dilucidum & efficax eludere, eique lucem ac vim auferre frustra conatur Apologista; idem argumentum ad hoc veri, ut ait, & genuini reducens. "I. „Quod Pontifex damnavit propositiones quinque capaces orthodoxorum „& heterodoxorum sensuum, nullo „sensu in quo eas damnaverit, claris „ac præcis terminis circumscripto. „II. Quod idem Pontifex declarave-
rit;

„rit sensum ex tua mente damnatum
„non esse sensum S. Augustini & gra-
„tiæ per se efficacis: quem tamen uni-
„cum sensum Jansenii defensores in
„opere ejus se reperire prædicant, &
„solum tuentur. III. Quod illa Pon-
„tificis declaratione audita, defensores
„Iprensis Præsulis voces illas proposi-
„tionum æquivocas abdicarint, rejece-
„rintque in omni sensu quem Pontifex
„& Ecclesia damnat. Quis sit autem
„ille omnis vel singularis damnatus
„sensus, hæcenus neque per Pontificem
„neque per Ecclesiam dilucida peri-
„phrasi definitum est." Hæc ille, sed
incassum.

Etenim primum omnino falsum esse
patet ex historia, & patebit amplius
ex docendis infra. Secundum ad rem
præsentem non pertinet. In tercio,
præter impertinentiam, malè insinua-
tur quod tantum rejecerint in omni
sensu quem Pontifex & Ecclesia dam-
nat, cum rejecerint absolute & non
assignarint illis postea ullum bonum
sensus; sicut in historia n. XXII proba-
tum est testimonio ipsius Santamarei;
quartum non subesse ostensum est in hi-
storia, seu potius in solutione ultimæ

objectionis, & amplius adhuc ostendetur infra.

Hæc igitur est postrema argumenti fucata solutio quam adfert Apologista; nisi quod quædam ad commendandum opus Jansenii & ejusdem operis lectionem adjungat.

Cæterum libenter admittimus, quod si quinæ famosæ hæreses accipiantur (velut illas perperam accipit Panegyrista) pro quinque famosis propositionibus, juxta sensus Lutheranos & Calvinisticos antedictos expositis seu intellectis, existimandum sit quod quinæ hæreses istæ tot ac talium dicti Janseniani operis approbatorum oculos non effugissent.

§. 7.

De iis quæ in Apologia 2. objiciuntur circa solutionem penultimi articuli de distinctione Juris & Facti.

Contra solutionem objectionis quintæ inter sex reliquas, seu nonæ inter decem, nihil aliud prorsus ad rem pertinens objicit Apologista quam illud quod sequitur.

" Si jam proponeretur, ait pag 14.

„ &

„ & 15., hæc formula jurejurando fir-
„ manda:

„ Ego definitioni Conciliorum Ge-
„ neralium, Sexti, Septimi & Octavi,
„ ac Summorum Pontificum S. Leonis
„ & Adriani II. me submitto, atque
„ Epistolam Papæ Honorii ad Sergium
„ Patriarcham in sensu ab Honorio in-
„ tento execror. & abjicio. Sic me Deus
„ adjuvet, & Sancta Dei Evangelia.”

„ Quæstio fit (prosequitur Apologi-
„ sta) an Jesuitis Honorium innocen-
„ tem arbitrantibus liceret ejusmodi For-
„ mulæ subscribere sine labe perjurii?
„ Et si liceat, secunda superadditur quæ-
„ stio, quas ergo ideas seu perceptio-
„ nes & quem assensum vocabula For-
„ mulæ adducta generent in mente ju-
„ rantium? Hunc nodum si Canonicus
„ solverit, &c.”

Respondet itaque Canonicus; si me-
morata Formula aut quævis alia tan-
quam jurejurando firmanda proponere-
tur ab Ecclesia vel à S. Sede (præsertim
cum expressio consensu v. g. Ecclesiæ
Gallicanæ & Belgicæ, aliarumque Ec-
clesiarum consensu saltem tacito, sic ut
nulla particularis Ecclesia repugnaret
(prout accidit circa Formulam Alexan-

drinam) deberent Jesuitæ spreto timore perjurii aut alterius criminis, Ecclesiæ aut S. Sedi subscriptionem injungenti parere: certi quod juxta Christi promissum fieri non possit, ut Ecclesia, aut S. Sedes, præsertim in circumstantiis antepositis, fideles suos per solemnem Formulam ad perjurium vel aliud quodcumque crimen adigat. Quantum ad aliam quæstionem priori substitutam his verbis, *Si liceat, quas ergo ideas seu perceptiones & quem assensum vocabula Formulæ adducta generent in mente jurantium*: non ignorat Panegyrista quod Innocentius XII. in suo Brevi de 6. Feb. 1694. sic lequatur: *Li qui ad juramentum adigendi sunt, illud præstare debent sincerè absque ulla distinctione, restrictione seu expositione, damnando eas propositiones ex libro Jansenii excerptas in sensu obvio quem ipsamet propositionum verba præ se ferunt, prout sensum illum damnârunt Summi Pontifices Prædecessores nostri, damnatorumque haberi voluerunt à Christi fidelibus.* Et infra. *Cate-*
rum ad præcavendas omnes dissidio-
rum causas quæ Christianam pacem
dilacerant, Nos quoscumque alios sen-
sus

"sus Formularii præter eum quem ipsius
 "verba exhibent, afferri vel usurpari,
 "aut de his disputari interdiximus &
 "prohibuimus, ac super ejusdem For-
 "mularii interpretatione, sicut & præ-
 "dictarum propositionum in alios sen-
 "sus præter eum quem ipsa verba per se
 "exhibent, perpetuum silentium impo-
 "suimus, ut ex nostris Decretis tam
 "super ipso silentio quàm super prohi-
 "bitione omnium librorum editorum
 "& edendorum in hac materia plenius
 "innotescet."

Cum autem supradicta quæstio po-
 sterior directè tendat ad transgreden-
 dam legem silentii verbis anterioribus
 impositi, prout etiam illam apertè trans-
 greditur Panegyrista tam in Prologo
 galeato quàm in Apologiis, declaro ego
 mihi per istam legem non licere *hunc*
nodum solvere.

§. 8.

Expenduntur Apologistæ responsa circa
sensum obvium, & circa novum causæ
Jansenianæ examen ab ipso præsum.

DUm Apologista pag. 15. professus
 est se agere velle de objectione sen-
 sum obvium concernente, dumque mul-

tis verbis dixit & non probavit memul-
ta promittere quæ non præsto, tunc
quædam refert tanquam verba mea &
tanquam uno contextu posita, cum ta-
men interjaceant alia plura quæ sensum
immutant.

Sic ergo se habent verba mea in prin-
cipio responsionis ad objectionem ulti-
mam: "Innocentius X. his Bullæ suæ
„verbis, *Cum occasione impressionis libri*
„*cui titulus Augustinus C. Jansenii E. I.*
„*inter alias ejus opiniones orta fuerit præ-*
„*sertim in Gallis controversia super quin-*
„*que ex illis*, clare affirmat quinque pro-
„positiones contineri inter alias opinio-
„nes quæ traduntur in libro Jansenii...
„Ideoque Alexander VII. merito de-
„finivit & declaravit Innocentium X.
„damnasse 5. propositiones in sensu à
„Jansenio intento. Deinde ex his dictæ
„Bullæ Innocentianæ verbis: *Tenor ve-*
„*rò prefatarum propositionum est prout*
„*sequitur. Prima. Aliqua Dei præcepta*
„*&c* & ex damnatione subjuncta, cla-
„re patet illas propositiones ibi damnari
„in sensu obvio quem ipsamet proposi-
„tionum verba præ se ferunt, prout
„Innocentius XII. Prædecessores suos
„(scilicet Innocentium X. & pariter A-
„lexan-

„Alexandrum VII. qui Innocentij X.
 „Constitutionem approbavit & inno-
 „vavit) sensum illum damnasse declara-
 „vit. Ex quo sequitur quod 5. proposi-
 „tionum sensum à Jansenio intentum
 „S. Sedes judicet eundem esse cum 5.
 „propositionum sensu obvio quem ip-
 „samelmet propositionum verba præ se fe-
 „runt.” Hæc ibi.

Discursus autem ille tam solidus est
 quam infirmus sit ille alter quem Apo-
 logista h. c. mihi tribuit, omittendo sci-
 licet hæc verba interposita *Deinde ex
 his dictæ Bullæ Innocentianæ verbis :*
Tenor &c.

Sed quidnam ipse opponit? Hoc tan-
 tum multis verbis, primò quærit, an In-
 nocentius X. in affirmatione illa qua
 quinque propositiones in libro Jansenii
 contineri affirmavit, falli potuerit: de-
 inde multis pariter verbis me provocat
 ut Augustini & Jansenii dissimilitudi-
 nem ostendam: sicque ad propositum
 respondere subterfugit, & ad alia divertit.

Postea transit ad sensum Jansenii &
 ad sensum obvium, dicitque quod as-
 seram facilius esse, ut noscatur sensus ille
 quinque propositionum obvius (nempe
 quem ipsamelmet propositionum verba præ
 se

seferunt) quam ut nōlcat̃ur sensus à Jan-
senio intentus, ex lectione Janseniani
operis: & quod hoc ille cum ipsa, quam
reclamo, experientia perneget. Ac po-
stea sic ait pag. 16." Sensus Jansenii in
„ libro ejus hominibus non *præven*ti-
„ ac sollicitam operam adhibentibus, ut
„ volumen à capite ad calcem evolvant,
„ & consecutiones cum principiis con-
„ ferant, instar solis lucet ac radiat, & si
„ cui non radiet nos caliganti fulgentem
„ dabimus."

Nota, Lector, quomodo hic requi-
rantur primò homines *non præven*ti,
quorum profectò exiguus est numerus
aut saltem multo minor quam aliorum.
Secundò requiritur quod homines illi
non *præven*ti *sollicitam operam adhi-*
beant, ut volumen (ingens & cum otio le-
gendum Apol. 1. p. 21.) *à capite ad cal-*
cem evolvant: per quod rursus multum
minuitur hominum istorum numerus.
Tertiò requiritur ut *consecutiones cum*
principiis conferant: quod iterum satis
minuit numerum, cum certè ad debi-
tam ejusmodi collationem non vulgaris
capacitas requiratur. Et ideo etiam ad-
dit, *si cui tali non radiet sensus Jansenii,*
nos caliganti fulgentem dabimus; post-
quam

quam verò hæc dixit, ita prosequitur.

„ At sensus ille obuius tam non est ob-
„ vius ut, ipsomet historico teste, om-
„ nium acies latuerit hætenus, nec for-
„ tassis nisi unico Canonico nostro (cre-
„ dite id leves posteri) conspicuus sit. ”
Ita ipse valde audacter, etiamsi nihil
magis à veritate alienum sit, quam me
illud testificari, aut hoc existimare.

Sed videamus quomodo hæc sua fig-
menta probabit his verbis immediatè
sequentibus: ” fatetur enim (Canonicus)
„ non defuisse Jesuitas qui sensum 5. pro-
„ positionum à Jansenio intentum intel-
„ lexere sensum gratiæ efficacis, adeo-
„ que gratiam per se efficacem in Janse-
„ nio profligatam voluere. ” Ita est, ni-
mirum antequam emanasset primum
Breve Innocentii XII. sicut etiam ante
idem Breve editi sunt libelli sub nomi-
nibus Oropega & Cranebergh; quo-
rum tamen Author non est modernus
Illmi ac Rmi Archiepiscopi nostri Con-
fessarius, ut existimat Apologista.

„ Porro (sic prosequitur idem) sensus à
„ Jansenio intentus, auctore ipso Decke-
„ ro, è mente Pontificum unus &
„ idem est, ergo secundum illos Jesui-
„ tas & Deckerum simul adunatos, pro-

„positionum sensus obvius est sensus
„gratiæ per se efficacis.”

Quam bella præmissorum probatio,
& quam bella ratiocinatio ! Etenim
quod dicit *sensum à Fansenio intentum*,
me auctore, e mente Pontificum unum &
eundem esse (si intelligat unum & eun-
dem esse cum sensu obvio quem ipsa
5. propositionum verba exhibent) ve-
rum est, sed prorsus aberrat, si intelli-
gat unum & eundem esse, me auctore,
cum sensu gratiæ per se efficacis; quip-
pe qui nullibi quidquam simile indica-
vi: & qui contrarium sæpius in histo-
ria significavi, quemque gratiæ per se
efficacis Thomisticæ defensoreni esse
constat.

Judicet itaque modò Lector quam
rectè concludat Panegyrista, dum ita
concludit: ” Ergo secundum illos Je-
„suitas & Deckerum simul adunatos,
„propositionum sensus obvius est sen-
„sus gratiæ per se efficacis.”

Dum dixerat Canonicus, aliquos Je-
suitas & alios intellexisse sensum inten-
tum prout modò relatum est, addide-
rat sequentia, ” sed hætenus ignotus
„est ullus Jesuita vel alius eruditus (uti

„nec

„nec creditur facilè futurus) qui sensum obvium quem ipsamet propositionum verba præ se ferunt, acceperit velut objectum est, id est, acceperit sensum Augustinianum & gratiæ per se efficacis.”

Apologista verò pag. 17. ad hæc respondere cupiens, & non valens assignare ullum Jesuitam vel alium qui sensum obvium sic intelligat, fingit me vaticinari: & hæc verba, *nec creditur facile futurus ullus Jesuita vel alius eruditus qui sensum obvium sic accipiat*, vocat *Prophetiam sublectissimam*, per hoc ostendens quam bellè Prophetiam dignoscere valeat.

Pergit Apologista. ”Inde patet, ait, quod Jesuitæ isti jam in intelligentia illius obvii sensus & à Pontifice & ab ipso etiam Deckero dissentiant.”

Si quis Jesuita sensum obvium acciperet sensum gratiæ per se efficacis Augustinianæ, fateor quod tam à Pontifice quam à me dissideret: sed Apologista nullum assignare potuit qui post primum Breve sic acceperit: imo Jesuitæ illi qui ante istud Breve sensum gratiæ per se efficacis damnatis propositionibus assignarunt, non assigna-

runt illum tamquam sensum obvium quem ipsa propositionum verba per se exhibent, sed tamquam sensum à Jansenio intentum.

Sic ulterius instat Apologista. "Admittit (Canonicus) Augustini ac Jansenii defensores assignavisse Propositionibus... sensum Lutheranum & Calvinisticum."

Ita est, videlicet illum qui refertur in Historia n. XIX. sed nunquam admisi quod illum assignaverint tamquam sensum obvium *quem ipsamet 5. Propositionum verba præ se ferunt*: sed econtra in responsione ad objectionem ultimam pag. 133. monui quod dum assignarunt sensum damnabilem & hæreticum primæ Propositionis, illum assignarint expressè tamquam talem *qui primæ propositioni affingi posset, quem tamen legitime sumpta non habet*. Quod autem ibi dixi de prima Propositione, exempli gratia, pariter verum est de cæteris: nam uti videre est in ipso famoso scripto distinctionis sensuum quod extat tam in Panegyri Janseniana quam in Diario Santamorei, dum quinque Propositionibus assignarunt sensum Lutheranum aut Calvinisticum, unicuique talum sen-

sensuum ibi assignatorum præfixerunt hunc titulum : *Sensus hæreticus qui prima Propositioni malignè affingi posset, quem tamen legitimè sumpta non habet. Sensus hæreticus qui secunda Propositioni malignè affingi, &c.* & sic de cæteris tribus.

Deinde siue sensus isti Lutherani vel Calvinistici assignati fuerint tamquam obuii, siue non; equidem unusquisque manifestè videbit illos sensus non esse sensus obuios quos ipsamet 5. Propositionum verba præ se ferunt; hoc, inquam, manifestè videbit, si eoldem sensus in Historia n. XIX. relatos conferat cum 5. famosis Propositionibus.

Videbit consequenter, quid sentiendum sit de eo quod Apologista ibidem addit dicens: " Quamvis ante Constitutionem Pontificiam nonnulli eum „(sensum Lutheranum & Calvinisticum) „assignauerint tremuli, post illam tamen „planissimè & uno consensu velut naturalem, & si velis, obuium receperunt."

Nempe videbit quomodo juxta Pannegyristam nostrum, plurimi Innocentii X. & Alexandri VII. Constitutiones eluserint, non dico circa illud quod factum vocant, sed circa ipsas in 5. propositioni-

positionibus damnatas hæreses: & quomodo Panegyrista dictas Constitutiones & Innocentii XII. Brevia eludere huc usque pergat.

Interim illum hæc subjungentem audiamus. " Ex iis videor mihi , ait , juxta nostri Historici ipsam mentem non temerè jam posse concludere , propriè ac justè loquendo ambiguarum & versatilium istarum propositionum sensum obviu nullum dari. Obvium enim , si rectè intelligo , hoc solum dici debet , quod prima fronte cuilibet vel mediocriter attendenti in oculos insit. At quo pacto tale asseri mereatur , quod & à Jesuitis aliter atque aliter , & à Jansenii protectoribus aliter atque aliter perceptum , neutris tamen , si Canonica credimus , omnibus diversis illis intellectibus accuratè innouit. "

Quam temerè illud juxta mentem meam concludat , abundè patet ex supradictis. Deinde quod attinet ad illud , *quo pacto obvium asseri mereatur quod & à Jesuitis aliter &c.* neque Jesuitæ illi de quibus agitur , neque protectores Jansenii suum sensum assignârunt tamquam sensum obvium quem ipsamet 5. propositionum

num verba præ se ferunt : sed illi tamquam sensum à Janlenio intentum, & hi tamquam sensum qui quinque propositionibus affingi posset.

Quibus intellectis, jacent Apologistæ nostri verbosæ argutiæ quibus de me sic ait : " Ipsemet sensum illum obvium assiduè quasi eructaturus, lectorem avidum perpetuo ludificatur : ut nec ipsum suspicer non tantum nescire quis ille sensus obvius sit, sed quem obvium velit dicere. Si enim tam est obvius, cur non indigitat ? Si cæteros falli arbitratur, cur ab errore non revocat ? "

Etenim, sicuti liquet ex historia, S. Sedes oblatos sibi à Santamoreo & sociis ejus diversos 5. propositionum sensus rejecit, ac 5. propositiones præcisè secundum se sive secundum suos terminos spectatas qualificare voluit ; unde etiam Innocentius X. quinque propositiones damnavit secundum suum tenorem, sicuti ostensum fuit. Tenorem autem istum, interprete Innocentio XII, intelligere debemus sensum obvium quem ipsamet propositionum verba præ se ferunt. Sed Panegyristæ nostro hæc displicent : repetit ille semper antiquam
can-

cantilenam de variis propositionum sensibus distinguendis, contenditque Innocentii XII. Brevia malo cavendo imparia esse, neque per illa satis declaratum esse sensum illum in quo damnatæ sunt 5. propositiones, quamvis idem Pontifex aperto & ab omnibus facile intelligibili modo declaraverit, quod Summi Pontifices Prædecessores sui in 5. propositionibus damnaverint sensum obvium quem ipsamet propositionum verba præ se ferunt, eumque sensum à Christi fidelibus damnatum haberi voluerint.

Hanc ergo declarationem spernens Panegyrista, declarationem ulteriorem exigit, etiamsi ipsemet, si debite velit attendere, ignorare nequeat quis sit ille sensus obvius quem ipsamet 5. propositionum verba præ se ferunt. Si vero propter præjudicia aut quancumque aliam causam profiteri pergat se nescire quis ille sit sensus, ego certè nunquam illum aliter ipsi exponam quam juxta Breve præfatum; uti nec unquam aliter illum exponere volui, quidquid Apologista fingat quod interdum videri voluerim eundem sensum ulterius expositurus: quasi verò nescire possit

possit quid circa Decretorum Apostolicorum observantiam in præfatione & aliis locis libelli quem impugnât, professus sim; & quomodo n. XXXIII. ex Brevi Apostolico illud retulerim, quod ex eodem Brevi refertur §. præcedenti. Si verò Panegyrista se Decretis hujusmodi parum ligari sentiat, ego idem sentire nec volo nec possum.

Adeoque pariter rejiciendum est mihi illud quod pag. 18. præfractè & iteratò obtrudit, nempe se jure dignissimo ad pacem Ecclesiæ adhuc hæc duo desiderare: primò ut clarè & distinctè explicetur damnatus §. propositionum sensus: & secundò ut liber Janſenii legitimè examinetur.

Primum, inquam, rejiciendum est, quia quod ibi desideratur, præstitum est per dictum Breve de 6. Feb. 1694. & quia, sicuti §. 2. monstratum est, Panegyrista quinque famosarum propositionum sensum sub specie explicationis, revera immutare desiderat.

Secundum pariter rejiciendum est, quia in *Historia Jansenismi*, & præsertim in responsione ad tertiam objectionem inter sex reliquas, fuit ex decretis Pontificiis, & ex aliis plurimis ita

G

liquidò

liquidò probatum quod liber Jansenii legitimè fuerit examinatus, ut Panegyrista nihil adversus illas probationes replicare potuerit ad illa propugnanda quæ super hac re in Panegyri produxerat.

Cæterum ut aliquid respondisse videretur ad illud quod contra Panegyrim ostensum erat impertinenter allegata esse quædam jura, quasi Romæ actum foret de persona Jansenii damnanda aut judicanda; sic ait pag. 19. "Nos contrà contendimus accusatio-
nem Jansenii ad minus æque personalem esse, ac personalis fuit accusatio Stephani actorum 6. ubi tubornati illi maledici dicebant se audivisse eum docentem verba blasphemiae in Moysen & in Deum." Sed quanta est disparitas! adducunt hi Stephanum in Concilium non tantum ut verba illa quæ dicebant se audivisse ex ore ejus damnanda curarent, sed ipsius personæ Stephani damnationem, & quidem directè, intendebant. Non fuit autem Romæ actum de damnanda Jansenii persona.

Nec obstat quod 5. propositiones damnatae sint ut excerptae è libro Jansenii,

senii, & in sensu per ipsum intento: quia per hæc nihil aliud significatur quam quod propositiones illæ sint excerptæ è libro præferente nomen Jansenii, quodque damnatæ sint in sensu istius libri.

Ad illud autem quod ibidem addit Panegyrista me *hæriolari, ne sic quidem si judicio legitimo contradictorio Jansenius pronuntiatur nocens, protectoribus illius indicendum silentium*: Aio ego me nihil hæriolatum esse, nec egisse de judicio quo Jansenius pronuntiaretur nocens, cum minimè repugnem assertioni illi qua Jansenius sive Jansenii persona insons asseritur.

Apparens autem ratio me de hæriolatione primò, & postea de suspitione temeraria accusandi, hæc est, quod postquam rationibus invictis talibusque ad quas Apologista nihil reponendum habuit, probaveram, quod liber Jansenii summa diligentia sub Innocentio X. discussus fuerit, simulque tunc fuerit examinatum an quinque propositiones in isto libro continerentur, subjunxerim sequentia: "Deinde suppone libri, examen iterari priusque judicium con-

firmari, putatne quod illi qui modò

„dissentiant, tunc assentiant aut saltem
 „silebunt? Mirum si non contendant
 „iterum aliquam juris formulam exa-
 „mini defuisse, aut saltem si non alle-
 „gent Pontificem imo Ecclesiam in
 „ejusmodi rebus falli posse.

Attamen hæc verba notabile quidem
 dubium, non verò hariolationem imo
 nec suspicionem important: aut si con-
 tendere pergas quod aliquam suspicio-
 nem importent, non sunt tamen sic in-
 telligenda, uti neque sic intellexi, quasi
 significarent suspicionem de *omnibus* il-
 lis qui modò dissentiant: inter quos ar-
 bitror reperiri plures qui non solum ex-
 amini à se desiderato acquiescere inten-
 dant, verum etiam acquiescerent & ab
 horum numero neminem in particulari,
 nec ipsum Panegyristam anonymum tot
 Decretorum Apostolicorum, etiam ite-
 ratò confirmatorum oppugnatorem
 apertum excludere intendo.

§. 9.

De authoritate Santamorei.

Confutatis Panegyristæ responsio-
 nibus ad articulos, superest exami-
 nandum quidnam circa authoritatem
 Santamorei responderit. Primò

Primò varia ex ipso Santamoreo tam in personæ suæ quam sui Diarii favorem loquente testimonia profert. Sed his jure merito parvi pensis, videndum est quid ultra reponat.

In præfatione historiæ expositum fuerat quomodo Panegyrista plerasque suas objectiones adversus Apostolica Decreta ex Santamorei Diario desumpsisset, & quod in ejusmodi narrationibus istius Sorbonici Doctoris autoritas parvi sit momenti, non modò quia Scriptor ille in suo Diario, à S. Sede prohibito, multa narrat ex incerto relatu vel auditu, verum etiam quia ejus testimonium causæ Jansenianæ favens vel quibusdam Sedis Apostolicæ proceribus aut PP. Jesuitis vel aliis similibus adversans, jure merito suspectum habetur, uti constabit ex historia (*ex qua nimirum evidenter apparet quanto partium studio laboraret*) tum ex sequentibus quæ in eadem historia prætermittuntur. Sic igitur habet præfatio.

Apologista verò primùm improbat illud quod dictum est. *multa narrat ex incerto relatu vel auditu*: & addit: *Quasi nos, inquit, argumentorum nostrorum vim mutuati simus ex levibus & incertis* Hoc verum

verum esse de non paucis tam Panegyristæ quam Santamorei argumentis evincit *historia*, nec non responsiones ad objectiones, ac præsertim responsio ad secundam objectionem inter sex reliquas: & id ipsum de Santamoreo adhuc mox ostendetur, agendo de Garneto.

Apol. 2. pag. 21. secundam repudiationis causam hanc me producere dicit, quod *Santamorei testimonia causæ Jansenianæ faveant, & quibusdam Sedis Apostolicæ proceribus aut PP. Jesuitis vel aliis similibus adversentur*. Sed ab aperta mente mea prorsus aberrat Apologista: clarissimum enim est ex verbis supra positis, uti & ex ipsa præfatione me non hanc causam repudiationis assignasse, sed per causas & probationes adjunctas intendisse probare quod Santamorei testimonium ubi causæ Jansenianæ favet, & similiter ubi quibusdam Sedis Apostolicæ proceribus aut Jesuitis aut aliis similibus adversatur, jure merito suspectum habeatur.

Quartam (tertiæ non meminit) repullæ rationem me dare dicit, quod Santamoreus obloquatur prohibitioni *Romanæ Catechismi de gratia, & pariter Officii D. Virginis, scilicet Gallicæ*. Addit: ac si ne-

mo rationes valde prægnantes cum summa observantia exhibere possit E. Cardinalibus pro defensione cujusdam libri &c.

Verum Santamoreus loco citato, postquam dictæ prohibitiones emanaverant, talia scribit quibus illas se parvi facere significat: & idè non est valde mirum quod aliis quibusdam Decretis Apostolicis obloquatur.

Quintum suspectationis indicium refert Apologista me promere, quod Santamoreus narret *H. Garnetum* extremo supplicio affectum fuisse ob conjurationem (pulverariam) de qua accusatus & convictus fuerit, & cujus reum se agnoverit jam moriturus. Addit Apologista me caute hoc rescuisse quod isti narrationi subjungit Santamoreus: *Quemadmodum si bene memini*, ait, *in terminis habet Author celebris qui historiam scripto prodidit.*

Sed quomodo verisimile est me caute hæc verba rescuisse, cum illa adhuc amplius ostendant quam temerè, super incerta relatione cujusdam historici, Scriptor iste non modo narrationem instituerit Martyri Jesuitæ ignominiosam, verum insuper eadem relatione nixus ibidem accusarit ipsos Centores Romanos quorum permisso imago Garneti tanquam Martyris edita fuerat. Sex-

Sextum signum repudiationis me inurbana in odiosum sensum detorsione adulterare contendit Apologista ; sed videamus utrum hic minus temerè quam alia me tam graviter accuset.

Refert primò hæc verba mea, " præfatus Santamoreus p. 6. c. 10. scribit, te non veretur quod Summus Pontifex in causa 5. propositionum omnem planè formam & media maximè necessaria neglexerit, supponens divinam inspirationem omnia suppleturam."

Postea è citato capite prolixius extractum à te tranilatum exhibet : neque diffidetur in hoc prolixiori illud meum contineri : sed me graviter inculando affirmat ad positionem illam, *quod Divina inspiratio suppleret omnia*, Santamoreus ex tuopte ingenio non confinxerit, sed primum intellexerit ex Albizio (quod probat Apologista testimonio ipsius Santamorei) dein ipsummet Pontificem congruenter ad hæc respondentem habuerit (& hoc iterum probat Apologista Testimonio ejusdem Santamorei.)

Possem hic iterum monere quod mihi suspecta sint hæc Santamorei testimonia : non quod ullatenus indicare velim ipsum

In his esse mentitum : sed quod ex nimia præoccupatione & nimio partium studio, mentem illorum qui quid simile dixisse videbantur, non sit omnino affectus, dum audiret, aut dum scriberet.

Sed demus quod Santamoreus positionem illam, *Quod Divina inspiratio suppleret omnia*, ex Albizio & ex ipso Summo Pontifice intellexerit : An propterea non licuit nobis hæc dicere, *Santamoreus p. 6. c. 10. scribere non veretur, quod Summus Pontifex in causa quinque propositionum omnem plane formam & media maximè necessaria neglexerit, supponens Divinam inspirationem omnia suppleturam.* Quasi vero etiam si positionem illam ex Pontifice & ex Albizio intellexisset, non debuisset equidem vereri scribere, *Quod Summus Pontifex in causa quinque propositionum omnem planè formam & media maximè necessaria neglexerit* : quandoquidem hujus assertionis falsitas invictis argumentis, & quidem partim ex ipso Santamoreo delumptis, demonstrari possit, & demonstrata sit in historia & in responsionibus ad tres primas objectiones ex sex reliquis.

Septimum ac postremum recusationis argumentum me invelhere dicit Apo-

logista, quod *parum* abfuerit quin in Inquisitionis carceres conjiceretur Santamoreus.

Errat Apologista: tantum enim dixi: " Denique p. 2. c. 12. refert (Santamoreus) se S. Officio fuisse delatum uti Insenistam, & parum abfuisse quin ibi decerneretur, ipsum in carceres S. Inquisitionis esse conjiciendum: seque similem incarcerationem adhuc postea non semel timuisse narrat ibidem c. 14. & p. 3. c. 2. & 3. tametsi jam plurimum Episcoporum foret legatus."

Porro ista non retuli ut persuaderem quod Santamoreus jure merito talem incarcerationem subiisset, aut quod illam jure merito timuerit quantum se pluries timuisse narrat: sed, velut ex contextu liquet, dumtaxat ista retuli ut ostenderem ex hoc etiam capite nonnihil suspectum reddi ejus testimonium, dum nempe aliquid refert adversans S. Officio, aut Cardinalibus & aliis ejusdem S. Officii ministris, à quibus se tam indigne haberi aut habitum esse sibi persuadebat.

Hæc itaque sunt per quæ abunde satisfiis omnibus quæ pro Diarii Santamoreus

ramoriani autoritate Apologista re-
 posuit, præterquam quod, quia idem
 Darium à S. Sede vetitum esse monue-
 ram, addat sequentia, quibus quanti
 faciat Romanas librorum inhibitiones
 apertè declarat. " Quod autem (ait
 „ pag. 23. Apol. 2.) hujusmodi histo-
 „ riæ, quales Santamori, hoc est, tam
 „ aperta libertate & sine personarum
 „ acceptione scriptæ, in librorum pro-
 „ hibitorum catalogum inserantur, non
 „ est quod quisquam miretur: imo pro-
 „ digio simile esset si hanc sortem eva-
 „ derent, posteaquam effusa illa li-
 „ brorum sideratio, sæpe etiam levif-
 „ simis de causis, à sesqui-sæculo in
 „ Ecclesiam induci cœpit." Hæc ipse,
 qui ibidem fatetur eandem historiam
 in Gallus malè exceptam fuisse, licet
 hoc ipsum irritatis animis adscribat.

§. 10.

*De Decretis Apostolicis indicentibus si-
 lentium in materia de Divinis auxi-
 liis, id est, vetantibus in ista materia
 quidquam in lucem edi sine licentia
 S. Congregationis.*

Refert Apologista, me in præfatione
 scripsisse: Utinam illa Decreta ab

unoquoque religiosè observarentur & observata fuissent. Deinde subjungit hæc verba: "Stupenda res, Theologiæ Licentiatum non animadvertere quod
 „ silentium ejusmodi ferme tam servatu impossibile sit quam silentium indicendum de Deo trino & uno, aut
 „ de Christo Jesu Salvatore mundi." Hæc ipse. Répono ego stupendum esse quod ille qui se filium Ecclesiæ Catholicæ profitetur, in Apostolica Decreta taliter insurgere audeat, & (allegatis quibusdam supplicibus libellis quos olim PP. Dominicani istius materiæ explicandæ ac definiendæ necessitatem exaggerantes obtulerunt) sic loqui quemadmodum ibidem loquitur Apologista: "Ex hisce solidis, ait,
 „ ac perspicuis planè documentis abunde eruitur, quam fugerit eos ratio
 „ qui Pontificibus authores fuere condendarum istiusmodi impossibilium
 „ servatu præceptionum."

Pergit nihilominus Apologista: & quia in eadem præfatione improbavi quod aliqui doctrinam de gratia per se efficaci & de prædestinatione ante prævisa merita, fidei esse contendunt & ibidem dixi, quod Innocentius XII. in Bre-

vi ad Facultatem Theologicam dato 6. feb. 1694. doctrinam illam non obscure collocet in earum numero de quibus S. Cælestinus ad Episcopos Galliæ re-
scripsit: *Profundiores difficilioresque partes &c. non necesse habemus adstruere*; quia, inquam, ista dixi, exclamat Apologista, *Filius hominis veniens, putas inveniet fidem in terra?* Et deinde probare conatur dictam de gratia per se efficaci &c. doctrinam esse *capitalem Christianæ religionis articulum*. Sed his, uti & cæteris, S. Sedis judicio planè submissis, interea prædicto Brevis intellectui inhaerentes, nihil amplius hic reponendum esse censuimus, præsertim cum, ipso Apologistâ fatente pag. 28. hæc ad præsentem disputationem parum attineant.

§. II.

De iis quæ Canonico incumbere contendit Apologista, pag. 28. & 29.

Respondendum, ait, Canonico incumbit, an juxta usitatum loquendi modum, verba Formularii non contineant assertionem Facti Janseniani."

RESPONSIO.

Negat Canonicus id sibi incumbere; quinimo supra ostendit se istud non posse præstare, propter silentium impositum in Brevi de 6. feb. 1694. & in Decreto de 28. Januarii ejusdem anni.

APOLOGISTA.

An alio principaliori fine Alexandri VII. Constitutio emanaverit, vel Formularium concinnatum sit, quam ad Factum illud asseverandum."

RESPONSIO.

Proculdubio illud quod Factum Jansenianum vocant, asseveravit & asseverare intendit Alexander VII. sed unà vel maximè intendit, Innocentii X. Constitutionem confirmando & innovando, quinque propositiones sic damnare in sensu Jansenii, ut easdem damnaret juxta suum tenorem, id est, interprete Innocentio XII. juxta sensum obvium quem ipsamet propositionum verba præ se ferunt; & consequenter non tantum juxta sensum Lutheranum & Calvinisticum à Sanctamoreo aut Panegyrista assignatum.

APO.

APOLOGISTA.

An Innocentius XII. Alexandri Constitutionem & Formularium in sensu obvio non confirmet, ac rata habeat, nuperrimis suis Brevibus?

RESPONSIO.

Ita est.

APOLOGISTA.

An Pontifices in talibus Factis asserendis vel firmandis sint falli nescii?

RESPONSIO.

Non potest ad hanc quæstionem categoricè responderi, nisi simul exponatur quale factum Pontifex jurari aut credi velit, aut non velit, hoc autem *ad præcavendas omnes dissidiorum causas* interdixit Innocentius XII. præterea quæstio hîc proposita impertinens est, uti mox videbitur.

APOLOGISTA.

An liceat jurejurando affirmare quod falsum credas, vel de quo, an falsum sit, legitimis rationibus dubites?

RESPONSIO.

Negative. Et nihilominus si S. Sedes

des solemnem juramenti Formulam, præsertim Ecclesiarum consensu firmatam, à te exigat, renuere non potes hoc aut simili prætextu, quod à te exigatur illud jurari quod fallum credas, vel de quo an fallum sit, legitimis rationibus dubites.

APOLOGISTA.

An argumenta pro Jansenio adducta non evincant innocentiam ejus saltem esse probabilem, aut noxam ejus ad minus esse dubiam & incertam?

RESPONSIO.

Non repugno, quo minus hoc detur: siquidem ibi vox *Jansenio* accipitur pro persona, non autem pro libro; veluti probatur ex adjunctis dictionibus *innocentiam* & *noxam*. Si verò nihilominus contendas per *Jansenium* ibi intelligi librum, adeoque conformiter intelligi dictiones *innocentiam* & *noxam*, tunc repugno.

APOLOGISTA.

Si hoc non evincant, acceptet ergo Canonicus (quo omnia à nobis denuo producta collineant) provocationem oblatam &c.

RES.

RESPONSIO.

Clarè satis ostensum est supra, frivolum esse hujusmodi provocationem, ac proinde propter illam suspendi non debere Sedis Apostolicæ Decreta. Unde etiam illud quod me scripsisse exprobrat Apologista pag. 29. hic repetere non vereor, nempe, "Quod nullatenus verisimile sit Christum sic Ecclesiam deferere ut fideles ejus innumeri per solemne Sedis Apostolicæ Decretum (Ecclesiæ Gallicanæ cujus maximè intererat, consensu, aliarumque plurium Ecclesiarum expresso consensu saltem tacito firmatum) pejerare cogerentur." Addo quoque velut aliàs addidi, Decretum istud Alexandri VII. per Innocentii XII. Breve, præhabito examine valde maturo, & quidem utraque parte informante, confirmatum fuisse: ac tandem eidem Decreto passim omnes illos acquievissè qui anterestitierant: ita ut nulla quantumcumque particularis Ecclesia, sed quidam particulares soli repugnent. Quapropter etiam confidenter hic repeto quod ii qui Formulæ Alexandrinæ subscribere jubentur, jure merito obediant dicentes Deo, Do-

mine si hac subscriptio perjurium vel aliud peccatum est, à Te pejerare vel aliter peccare jussi sumus.

Quod autem Apologista pag. 29. objicit Athanasianam persecutionem, & de illa vel alia simili Venerabilis Bedæ quoddam effatum, ad rem non pertinet, quandoquidem isti persecutioni palam ac perseveranter obstiterint quamplurimi non tantum Occidentis, sed & Orientis Episcopi cum suis Ecclesiis: subscriptioni autem Formularii, quam Apologista persecutionem Jansenianam appellat, quatuor Episcopi repugnarunt, sed tandem cesserunt, subscriptionemque suam (quam Apologista Apol. 2. pag. 15. hævum egregiæ illorum vitæ interspersum vocat) ad extremum usque vitæ spiritum tenuerunt. Et quis Episcoporum vel quæ particularis Ecclesia modo resistit? Nunquid contra resistendum non esse Arnaldus ipse postremis vitæ suæ annis aperte censuit, velut Apologista Apol. 1. pag. 6. & 11. diffiteri non audet: qui etiam non ignorat palam idem profiteri omnes illos quorum partes egit Doctor Hennebel in Uibe.

Igitur etiam ad propositum non spectat

Etat alia persecutio cujus meminit Apologista, & cujus Author erit Antichristus; quandoquidem Augustino teste, etiam adversus illam Ecclesia palam & invicte dimicatura sit, tametsi longè majori filiorum parte Matrem deserente.

§. 12.

Quidnam Panegyristæ incumbat; præsertim juxta nuperrimam Censuram Cleri Gallicani.

Nunc reliquum est ut sicuti Panegyrista proposuit, quidnam Canonico incumbere judicaret, ita & significetur quid ipsi incumbat; nimirum hoc unum, ut tandem Apostolicis desinat obrectare Decretis, præsertim cum facile agnoscere possit, doctrinam suam, & quidem partim ipsius Panegyreos Jansenianæ verbis expressam, sequenti Cleri Gallicani censura esse confixam, imo seipsum, sine nominis expressione, cum quibusdam aliis esse sugillatum.

Extractum ex libello cui titulus, Censura & declaratio Conventus Generalis Cleri Gallicani congregati in Palatio Regio San-Germano, anno 1700.

"In præfatione libri nobis (hoc anno
1700.)

„1700.) dedicati quædam occurrerunt
 „quæ Constitutionum Apostolicarum
 „de quinque famosis propositionibus
 „infirmarent auctoritatem: hæc & alia
 „ejusmodi variis libellis sparsa & ad
 „nos delata, coercenda decrevimus.”

Deinde quibusdam interpositis, referuntur ibidem quatuor sequentes propositiones cum earum censura.

I.

* Jam tandem Ecclesiæ & Regno-
 „rum Principes ex hoc clarissimo ar-
 „gumento agnoscant phantasma Jan-
 „senismi quæsitum ubique, sed nus-
 „quam repertum, præterquam in la-
 „boranti quorundam phantasia.

I I.

„Constitutione Innocentii X. nihil
 „aliud actum quam ut renovarentur
 „atque exacerbarentur disputationes....
 „In eandem viam pertractus est A-
 „lexander VII. ut homo ab omnibus
 „facile impellendus in eas res quæ pa-
 „rum ejus officio convenirent.... Inno-
 „centius quoque XII. cum ex officio
 „tene-

* Præfat. libri cui titulus: Augustiniana Ecclesiæ Rom. doctrina &c.

„ teneretur claram proferre sententiam,
„ generalibus æquivocisque verbis ad-
„ hibitis dat locum existimandi se non
„ ausum esse clarius loqui tanquam er-
„ rare metuentem.... Atque illud *in sen-*
„ *su obvio* ejusdem Pontificis, magis ad-
„ huc generale est & vagum quam ver-
„ ba Alexandri VII. *in sensu à Janse-*
„ *nio intento*.... Episcopi denique Gal-
„ licani libertates Ecclesiæ Gallicanæ
„ sub earum asserendarum specie labe-
„ factarunt, super recipienda Constitu-
„ tione Innocentii X. contra Janse-
„ nium.

III.

„ Aliquam huic malo medicinam at-
„ tulisse videbatur Innocentius XII. in
„ Brevi suo 6. Feb. 1694..... Verùm
„ mitigationem illam præsumptam non
„ parum extenuavit Brevi 24. Novemb.
„ 1696. ubi Pontifex disertè negat
„ Constitutionem aut Formularium A-
„ lexandri VII. Brevi suo alterata aut
„ reformata... in aliqua minima ejus
„ parte.... Nec placet eorum opinio,
„ quæ ex ipso primo Brevi 6. Feb. 1694.
„ edito aliquid mitigationis circa fa-
„ ctum tentavit exculpere.... Sed &
„ ni-

„ nihilo majorem in quæstione juris
 „ progressum factum esse jam quoque
 „ convenit ostendere.

I V.

„ Circa condemnationem *Augustini*
 „ Jansenii opus esset collatione regulari
 „ habita vel coram Judicibus à Roma-
 „ no Pontifice , vel à Rege datis....
 „ Nondum omnes interierunt qui
 „ sciunt deliberationes (de Janseniano
 „ negotio) quas nunc Episcopi ut re-
 „ gulas luarum hodiernarum delibera-
 „ tionum (circa novum quietissimum)
 „ sumunt , Cleri Gallicani æternum
 „ fore propudia.

CENSURA.

„ Hæ quatuor propositiones quibus in-
 „ quieti homines Innocentii X. & Alex-
 „ andri VII. Constitutiones Innocentii
 „ quoque XII. Brevia æquissima & ab
 „ omnibus approbata apertè contem-
 „ nunt , & Episcopos Gallicanos rebus
 „ judicatis adhærentes incessunt male-
 „ dictis , & causam hanc de integro re-
 „ tractari postulant , tanquam tot Con-
 „ stitutionibus Apostolicis , etiam acce-
 „ dente Ecclesiarum consensione , causa
 „ non-

„nondum finita fuerit, falsæ sunt, re-
„merariæ, scandalosæ, contumeliosæ
„in Clerum Gallicanum, Summos Pon-
„fices, & in universam Ecclesiam, Schis-
„maticæ & erroribus condemnatis fa-
„ventes.”

Et in fine sic habetur.

„Datum in Palatio Regio San-Ger-
„mano in Comitibus Generalibus Cleri
„Gallicani die 4. mensis Septembris
„anno 1700.”

FINIS.

*Qui vos audit me audit. Qui vos
spernit, me spernit. D. Jesus dis-
cipulis suis.*

*Bien-heureux sont les obeissans, car
Dieu ne permettra pas qu'ils s'es-
garent. S.F. Salesius.*

Mihi constitutum est, eandem quam
ab infantia secutus sum, sensum meo-
rum ad extremum spiritum usque du-
cem sequi Romanam Ecclesiam & Bea-
tissimi Petri in Romana Sede Successo-
rem. Super illam Petram ædificatam Ec-
clesiam scio. Quicumque cum ipso non
colligit, spargit: apud quem solum in-
cor-

corrupta Patrum servatur hæreditas. Quidquid ab ipsa Petri Cathedra, in cuius communione à teneris vixi, & porro vivere & mori fixum est, ab isto Principis Apostolorum Successore, ab isto Christi Domini nostri Vicario, ab isto Ecclesiæ Christianæ universæ Capite, Moderatore, Pontifice, præscriptum fuerit, hoc teneo: quidquid improbatum, improbo: damnatum, damno: anathematizatum, anathematizo. *Ita Fansenius in suo Augustino, lib. proamiali c. 29.*

Quidquid de rebus tam multiplicibus & arduis non juxta meam, sed juxta S. Doctoris mentem pronuntiavi, ex Apostolicæ Sedis Ecclesiæque Romanæ Matris meæ judicio, sententiaque suspendo, ut illud jam nunc teneam si tenendum, revocem si revocandum, damnem & anathematizem, si damnandum & anathematizandum esse judicaverit. *Idem in Epilogo ejusdem operis. Quem etiam isti obedientiæ usque ad horam mortis inhaesisse probat testamentum illâ horâ ab ipso dictatum.*

